

სსიპ
საქართველოს ტექნიკური უნივერსიტეტი
ბრძანება
26-09.2014 № 179
თბილისი

დოქტორანტურის სწავლების პირველი წლის
სტუდენტების 2014/2015 სასწავლო წლის
პირველი სემესტრის სასწავლო განრიგის შესახებ

“უმაღლესი საგანმანათლებლო პროგრამების კრედიტებით გაანგარიშების წესის დამტკიცების შესახებ” საქართველოს განათლებისა და მეცნიერების მინისტრის 2007 წლის 5 იანვრის №3 ბრძანებისა და საქართველოს ტექნიკურ უნივერსიტეტში სასწავლო პროცესის მართვის ინსტრუქციის საფუძველზე 2014/2015 სასწავლო წლის პირველი სემესტრის ორგანიზებულად ჩატარების მიზნით

ვ ბ რ ძ ა ნ ე ბ :

1. სასწავლო პროცესი 2014/2015 სასწავლო წლის პირველ სემესტრში სტუდენტებისათვის დოქტორანტურის სწავლების პირველი წლის სტუდენტებისათვის დაიწყოს 2014 წლის 6 ოქტომბერს;
2. სააუდიტორიო მეცადინეობები (ლექცია, პრაქტიკული, ლაბორატორია, სემინარი და ა.შ.) ჩატარდეს 2014 წლის 6 ოქტომბრიდან 2015 წლის 7 თებერვლის ჩათვლით (იხ.დანართი 1);
3. პირველი შუალედური გამოცდა (ტესტირება) ჩატარდეს მე-7 სასწავლო კვირაში – 2014 წლის 17 ნოემბრიდან 22 ნოემბრის ჩათვლით, ხოლო მე-2 შუალედური გამოცდა (ტესტირება) – მე-14 სასწავლო კვირაში – 2015 წლის 12 იანვრიდან 17 იანვრის ჩათვლით (იხ. დანართი 1);
4. შუალედური გამოცდების (ტესტირებების) კვირებში სააუდიტორიო მეცადინეობები არ დაიგეგმოს (იხ. დანართი 1);
5. დასკვნითი გამოცდები ჩატარდეს 2015 წლის 9 თებერვლიდან 24 თებერვლის ჩათვლით, ხოლო დამატებითი გამოცდები – 2015 წლის 25 თებერვლიდან 7 მარტის ჩათვლით (იხ. დანართი 1);
6. საახალწლო არდადეგები ჩატარდეს 2014 წლის 29 დეკემბრიდან 2015 წლის 3 იანვრის ჩათვლით;
7. დოქტორანტურის სასწავლო კურსის წამყვანი პროფესორი ვალდებულია ელექტრონულ უწყისში (იხ. დანართი 3) დოქტორანტის შესაბამისი შუალედური გამოცდის (ტესტირების), დასკვნითი ან/და დამატებითი გამოცდის (იხ. დანართი 2) შედეგები შეიტანოს გამოცდის (ტესტირების) ჩატარების ბოლო ვადის მომდევნო ორი სამუშაო დღის განმავლობაში (17 საათამდე); სამეცნიერო ხელმძღვანელი ვალდებულია ელექტრონულ უწყისში (იხ. დანართი 4) დოქტორანტის კვლევით კომპონენტში შუალედური გამოცდის (ტესტირების), დასკვნითი ან/და დამატებითი გამოცდის შედეგები შეიტანოს გამოცდის (ტესტირების) ჩატარების ბოლო ვადის მომდევნო ორი სამუშაო დღის განმავლობაში (17 საათამდე);
8. სემესტრის ბოლოს, არა უგვიანეს დამატებითი გამოცდის ჩატარების ბოლო ვადის მომდევნო ორი სამუშაო დღისა, სასწავლო კურსის წამყვანი პროფესორი, დოქტორანტის სამეცნიერო ხელმძღვანელი აკადემიურ დეპარტამენტში ელექტრონული უწყისის ამონაბეჭდზე (2 ეგზ.) ხელმოწერით დაადასტურებს მონაცემებს. დეპარტამენტის სპეციალისტი მოახდენს უწყისის რეგისტრაციას და არსებული წესის მიხედვით გადასცემს დეკანატს;
9. დაევალოს ფაკულტეტების დეკანებს:
 - 9.1. სემესტრის დაწყებამდე ერთი კვირით ადრე სწავლების დეპარტამენტში წარადგინონ ინფორმაცია აკადემიური ჯგუფების მიერ მიმდინარე სემესტრში გეგმიურად გასავლელი

ფორმირების დასრულების შესახებ;

- 9.2. ზამთრის სესიების დაწყებამდე ერთი თვით ადრე სწავლების დეპარტამენტში შესათანხმებლად წარადგინონ დასკვნითი გამოცდების ცხრილი;
- 9.3. 2014/2015 სასწავლო წლის პირველი სემესტრის დამთავრებიდან ორი კვირის ვადაში სწავლების დეპარტამენტში წარადგინონ მოხსენებითი ბარათები სემესტრის მსვლელობის, საბოლოო შედეგებისა და სტუდენტთა შეფასებების უწყისების რეგისტრაციის დასრულების შესახებ;
10. კონტროლი ბრძანების შესრულებაზე დაევალოს სწავლების დეპარტამენტს (დ.ბიბილეიშვილი);
11. ბრძანება გამოიკრას თვალსაჩინო ადგილებზე და განთავსდეს უნივერსიტეტის ვებგვერდზე.

რექტორი  ა. ფრანგიშვილი

ვიზები:

რექტორის მოადგილე


სასწავლო დარგში ლ. კლიმიაშვილი

სწავლების დეპარტამენტის

უფროსი ა. ლომიძე

იურიდიული დეპარტამენტის

უფროსი ბ. მაისურაძე



სტუდენტთა მიღწევების შეფასება

1. საქართველოს ტექნიკურ უნივერსიტეტში დოქტორანტურის სტუდენტებისათვის სასწავლო და კვლევით კომპონენტებში ტარდება ორ-ორი შუალედური გამოცდა (ტესტირება):
 - I ტესტირება – მაქსიმალური შეფასება 30 ქულა;
 - II ტესტირება – მაქსიმალური შეფასება 30 ქულა;
 დასკვნითი/დამატებითი გამოცდის მაქსიმალური შეფასება შეადგენს 40 ქულას; დასკვნით გამოცდაზე გასვლის უფლება ეძლევა დოქტორანტს, რომელმაც მთლიანად შეასრულა საგანმანათლებლო პროგრამით გათვალისწინებული წინაპირობები და შუალედური შეფასებების (ტესტირებების) ჯამში დააგროვა 30 და მეტი ქულა, ამასთან შეასრულა და დროულად ჩააბარა პროგრამით განსაზღვრული სამუშაოების მინიმუმი;
2. პროგრამით განსაზღვრული სამუშაოების მინიმუმის შესრულების და შესაბამისი დოკუმენტური მასალის ჩაბარების აღსანიშნავად ელექტრონულ უწყისში სააუდიტორიო მეცადინეობების ბოლო კვირის შეფასებების ფანჯარასთან ერთად გაიხსნება შესაბამისი ფანჯარა (შემდგომში – დოკუმენტური მასალის ფანჯარა) სათანადო მონიშვნის გაკეთების მიზნით. დოკუმენტური მასალის ფანჯარა იხსნება პროგრამით განსაზღვრული თითოეული ჩასაბარებელი სამუშაოსათვის; დოკუმენტური მასალის ფანჯარა/ფანჯრები დაიხურება დასკვნითი გამოცდის ფანჯრის დახურვასთან ერთად;
3. საბოლოო დადებითი შეფასების გაფორმების მიზნით სტუდენტი ვალდებულია გავიდეს დასკვნით გამოცდაზე (შესაბამისი უფლების არსებობისას – დამატებით გამოცდაზე); დასკვნითი/დამატებითი გამოცდის მინიმალური დადებითი შეფასებაა მაქსიმალური შეფასების ნახევარი;
4. შუალედური შეფასებებისა და დასკვნით გამოცდაზე მიღებული შეფასების ჯამში 41-50 ქულის დაგროვებისას (FX შეფასება – ვერ ჩააბარა), აგრეთვე აღნიშნული შეფასებების ჯამში 51 და მეტი ქულის დაგროვებისას, მაგრამ დასკვნით გამოცდაზე არასაკმარისი შეფასების მიღებისას, სტუდენტს აქვს იმავე სასესიო პერიოდში დამატებით გამოცდაზე ერთხელ გასვლის უფლება;
5. დასკვნით ან/და დამატებით გამოცდებზე დოკუმენტურად დასაბუთებული საპატიო მიზეზით გამოუცხადებლობისას სტუდენტს, სწავლების დეპარტამენტის წარდგინებით და რექტორის თანხმობით, მიეცემა გამოცდებზე გასვლის უფლება მომდევნო სემესტრის დაწყებამდე;
6. დასკვნით და შესაბამის დამატებით გამოცდას შორის შუალედი უნდა იყოს არანაკლებ 10 დღისა; დასკვნითი და დამატებითი გამოცდების შედეგები არ ჯამდება;
7. სტუდენტის საბოლოო შეფასება მიიღება შუალედური შეფასებებისა და დასკვნითი/დამატებითი გამოცდის შეფასების შეჯამებით. შუალედური შეფასებებისა და დასკვნითი გამოცდის შეფასების ჯამში 41-ზე ნაკლები ქულის დაგროვებისას (F შეფასება – ჩაიჭრა), ან შუალედური შეფასებებისა და დამატებითი გამოცდის შედეგად 51-ზე ნაკლები ქულის დაგროვებისას (შეფასებები FX ან F), ან დასკვნით/დამატებით გამოცდაზე არასაკმარისი მიზეზით გამოუცხადებლობისას ან არასაკმარისი ქულის მიღებისას, აგრეთვე დოკუმენტური მასალის შეუსრულებლობის ან დროულად ჩაუბარებლობისას სტუდენტს საგანი ახლიდან აქვს შესასწავლი;

8. პედაგოგი ვალდებულია მეცადინეობის დაწყებამდე გაიაროს ელექტრონული რეგისტრაცია, შევიდეს აუდიტორიაში და ჩაატაროს მეცადინეობა სილაბუსის შესაბამისად. ჯგუფის გამოუცხადებლობის შემთხვევაში იგი ვალდებულია არ დატოვოს აუდიტორია 25 (ოცდახუთი) წუთის განმავლობაში. რის შემდეგაც ინფორმაცია მიაწოდოს შესაბამის დეკანატს და გააკეთოს აღნიშვნა რეგისტრაციის სისტემაში;

9. სასწავლო კურსის წამყვანი პროფესორი ვალდებულია ელექტრონულ უწყისში შეიტანოს სტუდენტის მიერ მიღებული შეფასება; სასწავლო კურსის წამყვანი პროფესორი ვალდებულია უზრუნველყოს სათანადო სასწავლო მასალის მიწოდება და სტუდენტის მიერ ყოველკვირეული შეფასების მიღების შესაძლებლობა იმ შემთხვევაშიც, თუ სასწავლო ცხრილის მიხედვით მეცადინეობის ჩატარება ემთხვევა უქმე დღეებს; აღნიშნულის რეალიზაციისათვის დასაშვებია დამატებითი მეცადინეობების ჩატარება, თემების გადანაწილება ან სხვა ღონისძიებები, რომლებიც ხელს შეუწყობს სასწავლო პროცესის ნორმალურ მსვლელობას.

საქართველოს ტექნიკური უნივერსიტეტი
 ფაკულტეტის
 № აკადემიური ჯგუფის დოქტორანტის/დოქტორანტების სასწავლო კურსის
 შეფასების ელექტრონული უწყისი №

სწავლების წელი: სემესტრი: სასწავლო წელი:

სასწავლო კურსის დასახელება:

წამყვანი პროფესორი:

ECTS კრედიტი:

№	კვირის №			საბოლოო შეფასება, ქულა
	7	14	20, 21	
	შუალედური შეფასებები, ქულა	სულ შუალედური გამოცდები, ქულა	ადნქ 'იბეცე' ადნქ 'იბეცე' ადნქ 'იბეცე' ადნქ 'იბეცე' ადნქ 'იბეცე'	
	I შუალედური გამოცდა (ტესტირება)	II შუალედური გამოცდა (ტესტირება)		
	30	30	60	100
1				
2				
3				
4				
5				
შენიშვნა				

წამყვანი პროფესორი: ინიგ. და გვარი ბელმოქერა თარიღი
 დეპარტამენტის უფროსი: ინიგ. და გვარი ბელმოქერა რეგ.№ თარიღი
 ფაკულტეტის დეკანი: ინიგ. და გვარი ბელმოქერა

საქართველოს ტექნიკური უნივერსიტეტი
 ფაკულტეტის

№ აკადემიური ჯგუფის დოქტორანტის/დოქტორანტების კვლევითი
 კომპონენტის შიფრების ელექტრონული უწყისი №

სწავლების წელი: სემესტრი: სასწავლო წელი:

კომპონენტის დასახელება:

სამეცნიერო ხელმძღვანელი:

ECTS
 კრედიტი:

№	ბგარი, სახელი	კვირის №				საბოლოო შეფასება, ქულა
		7	14	18,19	20, 21	
		შუალედური შეფასებები, ქულა		ანსწი 'დბადეფ ადიფმდეფ	ანსწი 'დბადეფ ადიფმდეფ	
	I შუალედური ბამოცლა (ტესტირება)	II შუალედური ბამოცლა (ტესტირება)	სულ შუალედური ბამოცლები, ქულა	დაიდეფ ადსწიფმდეფმდეფ		
1	მაქსიმალური ქულა	30	30	60	40	100
2						
3						
4						
5						
შენიშვნა						

სამეცნიერო ხელმძღვანელი:	ინიფ. და გვარი	ბელომუქერა	თარიღი	ფაკულტეტის დეკანი
დეპარტამენტის უფროსი	ინიფ. და გვარი	ბელომუქერა	რეფ.№	ინიფ. და გვარი
		ბელომუქერა	თარიღი	ბელომუქერა